

Uashteshkuau Tipelitamun

Dépliant d'information
Nelueun



Tshekuan uetsh ishini katetsh *Uashteshkuau Tipelitamun*?

- *Uashteshkuau* issishuemakan e uashuashtepalitsh ek^u *Tipelitamun* ai ne eish tipelitakanitsh;
- Ne *Uashteshkuau* issishuemakan e uashtetsh kie e takuatsh pakushelitamun, utshisselitamunuau ka nakatakau nekana eshk^u Pekuakamiu-peikutenuatsh matameuatsh.

Auen tshe apashtat ne *Uashteshkuau Tipelitamun* (ka atshitashunashtetsh 3)?

- Tapuetakanitsh :
 - a. Pekuakamiulnuatsh ashitsh utauassimuau ka apitau Mashteuiatsh (ka mashinashutau nite Pekuakamiu-mashinaikanihtsh);
 - b. Ilnu-auassatsh ka apitau uashka Pekuamamihtsh (lashuk 18 ka itatupipuneshutau ka mashinashutau nite Pekuakamiu-mashinaikanihtsh makie ilnu-auass ka ashuapatak tshe mashinashit).
- Aiashkatsh : Upishtikuiou-assia ka apitau kassinu ilnu-auassatsh ashkashku tshika apashtauatsh;
- Ne *Tipelitamun*, Ka uashtenamatshetau tshikatshi kukuetshimakanuatsh tshekuan ui tshisselitakanitsh.

Tshekuan ui kashtahakau ne *Uashteshkuau Tipelitamun* (ka atshitashunashtetsh 2)?

- Kassinu tshi miluelimutau kie tshi milakanit tshekualu e nutepalit ilnu-auass kie utshiluemakan;
- Uitsheukanuatsh kie uitishakanuatsh Pekuamiu-peikutenuatsh;
- Utshiluemakan tshi kanuelimukut ne ilnu-auass kie nite ilnussihtsh.

Tshekuan alu e apitelitakanitsh (ka atshitashunashtetsh 4,5,6 mak 7)?

- Nishtam tshi miluelimut ilnu-auass kie tshi milu-uitishakanit;
- Uauitishiueun, matinueun kie ilnuatsh utapuetatishunuau;
- Tshi ishpitelitakanitsh ilnu-aitun, ilnu eish uilitishit kie nelueun;
- Tapishkuatsh e paminitishunanutsh : eish tshiluematunanutsh, peikutenu kie kassinu Pekuakamiulnuatsh;
- Takuanilu tshi petuakanit ilnu-auass, tshi nanitu tshisselimakanit, tshi uitsheukanit kie uitishakanit.

Auenitshenatsh nitshenatsh Ka uashtenamatshetau (ka atshitashunashtetsh 8 mak 9)?

- Ka uashtenamatshetau isshishuemakan e mitsha-shutsh-uashtenamuakanit auen, ne aimun uitam^u tshe uitishiuanuatsh kie tshe uitsheuakanitau peikutenuatsh mak tshe uashtenamuakanilitsh umeshkanamuau e ui mililniut;
- Tshe mamushtetsh eish uitishiuanuatsh;
- Ka uashtenamatshetau uiluau tshika nikanipishtamuatsh ne tipelitamun kie uiluau tshika pashtinamuatsh eish uauitishakanit ilnu-auass kie Pekuakamiu-peikutenuatsh.

Tanite miam *Uashteshkuau Tipelitamun* nasht tshe pimipalitakanitsh (ka atshitashunashtetsh 9)?

- Peikutenuatsh tshitshue matshipaluatsh ekue apu milu-tutuakanit ilnu-auass (aimun 86) :
 - ▶ Nasht apu pamelimakanit ilnu-auass;
 - ▶ Malelimakanu;
 - ▶ Uapameu e mashikatalitsh utshiluemakan;
 - ▶ Matshi-tutuakanu auass makie tshipatshi matshi-tutuakanu;
 - ▶ Mashikuakanu auass makie tshipatshi mashikuakanu;
 - ▶ Matshi-tutatishu ilnu-auass.


Tshekuan ne natuelitamun (ka atshitashunashtetsh 9)?

- Ka uashtenamatshetau tshi natuelitamuakanuatsh tshetshi uitishakanitau peikutenuatsh kie tshi uitsheukanitau;
- Tat^u tshishik^u tshipatshi aimihakanuatsh e tshishikatsh kie e tipishkatsh;
- Kassinu auen tshika takuanilu tshi natuelitak tshi uitsheukanit ilnu-auass e itelimakanit e matshipalahitutau utshiluemakan uesh tshikanuelitenanu tapishkuatsh paminitishun (aimun 92);
- Ne auen ka natuelitak tshi uitsheukanit apu tshika utsh uilakanit (aimun 95).

Tan tshe eish pimipalitatau *Uashteshkuau Tipelitamun* (ka atshitashunashtetsh 8 mak 9)?

- Natuelitamun nitetshe Ka uashtenamatshetau;
- Tipapekahikanu natuelitamun;
- **Ka tshisheuatishitau** : Uiluau tshika tshitapatamuatsh eititanuatsh nitetshe peikutenatsh, alu tshika tshitapamuatsh tshe eish milupalahitutau kie tshika uitamuatsh Mashinaikan peikutenu aituna (ashitsh kupaniesh). Uipatsh tshika takuanilu tshe tshimalakanitau Ka tshisheuatishitau (tshetshi eka pashitshipalitsh 30 tshishikua);
- **Ka tshikaiashitenamuetau** : Uiluau tshika uitishiueuatsh kie uitsheueuatsh peikutenuatsh kie tshika nashamuatsh Mashinaikan peikutenu aituna;

- **Kaukau tshitapatakau Mashinaikan peikutenu aituna** : Uiluau Ka tshikaiashitenamuetau ashitsh Ka tshisheuatishitau mamu tshitapatamuatsh eish tanuatsh peikupipun e takuatshitsh, e pipuatsh, e shikuatsh, e milushkamitsh mak e nipitsh kie uitamueuatsh Ka tshisheuatishitau. Ka tshikaiashitenamuetau natshishkatuatsh kie mashtel aimun mileuatsh Ka tshisheuatishitau. Ka tshisheuatishitau mamuhituatsh tshetshi uitakau tan ka eish uapatakau katshi kaukau tshitapakanitsh Mashinaikan peikutenu aituna;
- **Kaishpitelimakanitau** : Uiluau tipelitamuatsh tshi utinakau aimuna eka milupalahitutau peikutenuatsh alu mak tshi mishkakau tan tshipa ish etatu milupalahitutau peikutenuatsh (mishkupishtueuatsh Upishtikuahtsh ka tipashkunatshetau, auassatsh ka tipelimatau);
- Ume uapatamuk ulashinatahikan (ne kashteushinatahikanitsh eukuan ne tshitshue tshe nashekanitsh ek^u kutaka tshipatshi nashekanu).



Peikutenu tanite tshe itutet eka ishpitelitakanilitsh utipelitamun nitetshe utsh Uashteshkuau Tipelitamun miam eish pimipalitakanitsh (ka atshitashunashtetsh 8 mak 9)?

- Kananakatshitat uil kashtinam^u kie tshitapatam^u tshekuan eka e milupalihuet kie mamishtshemuna kie mak tshi mishta-nanitu tshisselitik eitashtetsh *Uashteshkuau Tipelitamun*;
- Kaishpitelimakanitau tshek eka milualitsh utaimunuau, ne llnu-auass 14 ka itatupipuneshit kie etatu ka tshishelniut makie utshiluemakana itelitikau eka milu-utinakanilitsh utaimunuau tshipatshi itishamuakanuatsh Kananakatshitatau kau tshetshi tshitapatakau.

Documents numériques



Calendrier des consultations

Avril 2026						
Dimanche	Lundi	Mardi	Mercredi	Jeudi	Vendredi	Samedi
12	13	14	15	16	17	18 1
19	20	21	22	23	24 2	25
26	27	28	29 3	30		
Mai 2026						
					1	2
3	4	5	6	7	8	9
10	11	12	13 4	14	15 5	16
17	18	19	20	21	22	23

1 Cercle de lecture

Brunch, 9 h à midi.

2 Entretien avec professionnelle du domaine juridique

De 13 h à 20 h par teams ou téléphone. Prendre rendez-vous en appelant au : 418 275-5386, poste 1414.

3 Cercle de lecture

Souper, 17 h à 21 h.

4 Entretien avec professionnelle du domaine juridique

De 13 h à 20 h par teams ou téléphone. Prendre rendez-vous en appelant au : 418 275-5386, poste 1414.

5 Fin de la période de consultation

Vendredi 15 mai à midi.

Pendant toute la durée de la période de consultation, vous pouvez faire parvenir vos commentaires à gouvernance@mashteuiatsh.ca.